

**Ilanngussaq 2** – Tusarniaanermi allakkiaq

1. Attartortitsisarnermut peqqussutip allannguutissaannut siunnersuutit 21. januar 2022-mi <https://naalackersuisut.gl/kl-GL> aamma <https://naalackersuisut.gl/da> aqqutigalugit tusarniaassutigineqarput, tusarniaanermi akissuteqarnissamut 17. februar 2022 killiliunneqarluni.

Attartortitsisarnermut peqqussutip allannguutissaannut siunnersuut 20. januar 2022-mi tusarniaassutigineqarpoq, tusarniaanermi akissuteqarnissamut 17. februar 2022 killiliunneqarluni. Siunnersuut ukununnga nassiunneqarpoq:

Naalackersuisut Siulittaasuata Naalackersuisoqarfia ([govsek@nanoq.gl](mailto:govsek@nanoq.gl))  
 Aningaasaqarnermut Naligiissitaanermullu Naalackersuisoqarfik ([oed@nanoq.gl](mailto:oed@nanoq.gl))  
 Aatsitassanut Inatsisillu Atuutsinneqarnerannut Naalackersuisoqarfik ([asn@nanoq.gl](mailto:asn@nanoq.gl))  
 Inuussutissarsiornermut Niuernermullu Naalackersuisoqarfik ([isiin@nanoq.gl](mailto:isiin@nanoq.gl))  
 Aalisarnermut Piniarnermullu Naalackersuisoqarfik ([apn@nanoq.gl](mailto:apn@nanoq.gl))  
 Isumaginninnermut, Suliffeqarnermut Nunamullu Namminermt Naalackersuisoqarfik ([isn@nanoq.gl](mailto:isn@nanoq.gl))  
 Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfik ([ikin@nanoq.gl](mailto:ikin@nanoq.gl))  
 Peqqissutsimut Naalackersuisoqarfik ([pn@nanoq.gl](mailto:pn@nanoq.gl))  
 Nunalerinnermut, Imminut Pilersornermut, Nukissiutinut Avatangiisinullu Naalackersuisoqarfik ([pan@nanoq.gl](mailto:pan@nanoq.gl))  
 Meeqqanut, Inuusuttunut Ilaqtuariinnullu Naalackersuisoqarfik ([ian@nanoq.gl](mailto:ian@nanoq.gl))  
 Kommune Kujalleq ([kommune@kujalleq.gl](mailto:kommune@kujalleq.gl))  
 Kommuneqarfik Sermersooq ([kommuneqarfik@sermersooq.gl](mailto:kommuneqarfik@sermersooq.gl))  
 Qeqqata Kommunia ([qeqqata@qeqqata.gl](mailto:qeqqata@qeqqata.gl))  
 Kommune Qeqertalik ([qeqertalik@qeqertalik.gl](mailto:qeqertalik@qeqertalik.gl))  
 Avannaata Kommunia ([avannaata@avannaata.gl](mailto:avannaata@avannaata.gl))  
 INI A/S ([ini@ini.gl](mailto:ini@ini.gl))  
 Iserit A/S ([iserit@iserit.gl](mailto:iserit@iserit.gl))  
 Siorarsiorfik – Nuuk City Development A/S ([ncd@ncd.gl](mailto:ncd@ncd.gl))  
 Kujallermi Illuutit A/S  
 Kommune Qeqertalik Ejendomsselskab A/S  
 Avanna Development A/S  
 Kalaallit Nunaanni Rigsombudsmandi ([riomgr@gl.stm.dk](mailto:riomgr@gl.stm.dk))  
 Ineqarneq pillugu Maalaaruteqartarfik  
 Nukissiorfiit ([kundeservice@nukissiorfiit.gl](mailto:kundeservice@nukissiorfiit.gl))  
 Sulisitsisut ([ga@ga.gl](mailto:ga@ga.gl))  
 Kalaallit Nunaanni Politiit ([politi@politi.dk](mailto:politi@politi.dk))  
 SIK ([sik@sik.gl](mailto:sik@sik.gl))  
 PK-p siulittaasua ([formanden@pk.gl](mailto:formanden@pk.gl))  
 Mittarfeqarfiit ([mit@mit.gl](mailto:mit@mit.gl))  
 Asiaq ([asiaq@asiaq.gl](mailto:asiaq@asiaq.gl))  
 AK ([aknuuk@ak.gl](mailto:aknuuk@ak.gl))  
 IMAK ([imak@imak.gl](mailto:imak@imak.gl))  
 NPK ([info@npk.gl](mailto:info@npk.gl))  
 ASG ([asg@asg.gl](mailto:asg@asg.gl))

KANUNUPE ([kanunupe@gmail.com](mailto:kanunupe@gmail.com))

NUSUKA ([nusuka2004@gmail.com](mailto:nusuka2004@gmail.com))

2. Piffissap tusarniaaffiusup naanerani uku siunnersuummut oqaaseqaatissaqaratik nalunaarput: Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, Peqqissutsimut Naalakkersuisoqarfik, Aatsitassanut Inatsisillu Atuutsinneqarnerannut Naalakkersuisoqarfik, Meeqqanut, Inuusuttunut Ilaqutariinnullu Naalakkersuisoqarfik, Kommuneqarfik Sermersooq aamma Kalaallit Nunaanni Politiit.

Piffissap tusarniaaffiusup naanerani oqaaseqaatinik INI A/S, Sulisitsisut, Iserit A/S, Kommune Qeqertalik, Ineqarneq pillugu Maalaaruteqartarfik kiisalu attartortoq Aputsiaq Lyngø tigusaqarfigineqarput.

Tusarniaanermi akissuteqaatit tiguneqartut matuma kinguliani sammineqarput. Ineqarnermut Attaveqaasersuutinullu Naalakkersuisoqarfiup tusarniaanermut akissuteqaatinut ataasiakkaanut oqaaseqaatai uingasumik allanneqarput.

### **Iserit A/S.**

”Ataatsimut isigalugu attartortitsisarnermut inatsisip Ineqarneq pillugu Maalaaruteqartarfimmum tunngasortaata inissianik niueruteqarnerup ineriartorneranut naleqqussarneqarnissaa naapertuuttutut isumaqarfigaarput, tassungalu kommunit arlallit inissianut aktianik piginneqatigiiffinnik pilersitsisimanerat, aammalu pisortat inissiaataannik attartortittakkanik aktianik piginneqatigiiffinnut taakkununga tunniussisoqarsimanera, kiisalu Namminersorlutik Oqartussat illuutunut aktianik piginneqatigiiffimmik Illuut A/S-imik pilersitsisimanerat ilaatinneqarput. Taamatuttaaq inatsit Kommuneqarfik Sermersuup Nuummi inissianik attartortitseqqinnissaq siunertaralugu inissianik amerlanerusunik attartornissaq pillugu inissiaatilimmut namminersortumut isumaqatigiissusiorsimaneranut naleqqussarneqartussaavoq.

Iserit A/S-ip tusarniaanermi akissuteqaataani Kommuneqarfik Sermersuup nammineerluni ineqarneq pillugu maalaaruteqartarfimmik pilersitsinissamik pilersaaruteqarnera sillimaffigineqarpoq, kommunip tungaaniit Iserit A/S-ip ineqarneq pillugu maalaaruteqartarfimmum tassunga inissinneqarnissaa (taamaaliortoqassaarlu) eqqarsaatigineqarsimassasoq ilimagineqarluni. Kisianni kommunip nammineerluni ineqarneq pillugu maalaaruteqartarfimmik pilersitsinissamut pilersaaruteqarnerata unitsikkallarneqarnissaa peerneqarnissaaluunniit naatsorsuutigineqartariaqarpoq, tamatumani inissiani kommunip attartugaani attartortut maalaaruteqarnissamut periarfissaqarnissaat siunertarpiaammat.

Iserit A/S inissianik attartortitsisarneq pillugu Inatsisartut peqqussutaanut allannguutissatut siunnersuummi uku pillugit oqaaseqaatissaqarpoq:

Attartortup Ineqarneq pillugu Maalaaruteqartarfimmum tunniussinissaanut piffissaliussaq

Iserit A/S isumaqarpoq, inatsimmi attartortup suliassaatinik Ineqarneq pillugu Maalaaruteqartarfimmum suliakkiinissaanut pisoqalisoornissamut piffissarititaasooq toqqaannartumik allassimasariaqartoq.

#### TUNNGAVILERSUUT:

Attartortup suliassaatinik (inissiap qimannerani akiligassaq) Ineqarneq pillugu Maalaaruteqartarfiup 2018-imi tiguisimanera Iserit A/S-imit misigineqarsimavoq, naak inissiap qimanneqarnera 2013-imili pisimagaluartoq. Suliassaq “pissutsip/suliassap pineraniit” ukiut tallimat sinnerlugit pisoqaassuseqarpoq, tassanilu Ineqarneq pillugu Maalaaruteqartarfik suliassaq sulariniallugu, aammalu innuttaasup (matumani attartortup) suliami sunngitsoorsimanera isiginiarnagu aalajangerpoq. Attartortoq inissiap qimannerani akiligassamik 2013-imi Iserit A/S-imut maalaaruteqarsimangilaq allatulluunniit akerliliisimanani, aammalu ukiut tallimat qaangiuttut suliassaq maalaaruteqartarfimmut tunniussimallugu.

Inissiaatileqatigiiffik suliami taamaattumi misissuissalluni periarfissaqanngilaq, sanasut atornerqartut inissiami iluarsakkat (sumiginnaanermik aserorterinermillu peqquteqartut) sordiaaneramik eqqaamasaqarsinnaanngimmata, aammalu attartortumik nutaamik isertertoqarsimammat (immaqalu ukiuni tulliuuttuni attartortut arlaliusimassallutik), taamaattumillu inissiaatileqatigiiffik attartukkamik imaluunniit suliamik itisiliilluni misissuinessamut periarfissaqarsimangilaq.

#### OQAASEQAAT:

Attartortoq “piffissap naammaginatup iluani” suliassaatinik Ineqarneq pillugu Maalaaruteqartarfimmut tunniussisimangippat, Ineqarneq pillugu Maalaaruteqartarfimmi suliassat sularineqarnissaannut pisoqalisoorneqarsimammut piffissaliisoqartariaqarpoq. Assersuutigalugu pissutsit / suliap pilerneraniit qaammatit arfiniliusinnaapput (soorlu illumi torersaarnissamut maleruagassanik unioqqutitsisoqarnerani mianersoqqussummik tiguisimagaanni, inissianik paarlaannissamut itigartitaasimagaanni il.il.) Assersuutigalugu suliap qaammatit arfinillit sinnerlugit pisoqaassuseqarpat, suliap Ineqarneq pillugu Maalaaruteqartarfimmi sularineqarnissamut pisoqalisimassaaq. Attartortup suliassaatinu ukiunik tallimanik qulinilluunniit pisoqaassusilik sularitittariaqarsinnaassanngilaa.”

#### *Akissut*

*Attartortitsisarnermut peqqussummut allannguutissatut siunnersuummi kommunip najukkami attartortut attartortitsisullu akornanni aqqiagiinnginnerannut iluarsuissutissatut aqqissuussinermik pilersitsinissaa maleruagassiuunneqanngilaq. Najukkami attartortut attartortitsisullu akornanni aqqiagiinnginnerannut iluarsuissutissatut aqqissuussinerit attartortitsisarnermut peqqussut naapertorlugu attartortup pisinnaatitaaffinut attuumassuteqanngilaq.*

*Naliliineq malillugu attartortitsisarnermut peqqussummi sunngitsoorneq pisoqalisoornerlu pillugit maleruagassanik immikkut ittunik pisariaqartitsisoqanngilaq.*

*Ineqarneq pillugu Maalaaruteqartarfiup maalaarutininik suliagarnermini pisinnaatitaaffinnik annaasaqaataasumik sunngitsoorneq pillugu maleruagassat pinngitsooratik atuuttussat nalinginnaasut, kiisalu pisussaaffiit ilaasa pisoqalisarneri pillugit inatsimmi nr. 274-imi, 22. december 1908-meersumi maleruagassat eqqarsaatigineqarnissaat pisussaaffigaa. Pisoqalisoornermut inatsit pigisanut nalilinnut inatsisil il.il. ilaasa Kalaallit Nunaannut atuuttussanngortinneqarneri pillugit inatsit nr. 104, 31. marts 1965-imeersoq aqqutigalugu Kalaallit Nunaannut atuuttussanngortinneqarpoq. Attartortitsisup Ineqarneq pillugu Maalaaruteqartarfimmut oqaaseqarnermini sunngitsoorsimaneq imaluunniit*

*pisoqalisoorsimaneq tunngavilersuutigippagu, Ineqarneq pillugu Maalaaruteqartarfiup tamatumunnga aalajangiinermini pineqartoq isummerfigissavaa.*

*Tamanna allannguutissatut siunnersuummi § 1, nr. 7-imut aamma nr. 8-mut nassuiaatini erseqqissaatigineqarpoq.*

## **INI A/S**

”INI-p soorunami tunngaviulluinnartumik Ineqarneq pillugu Maalaaruteqartarfiup piginnaatitaaneranut aamma kommunini inissiaatileqatigiiffiit il.il. ilaatinneqalernissaat tapersersorpaa.

Kisiannili INI-mit maluginiarneqarpoq, siunnersuutip matuma tusarniaassutigineqarnerata peqatigisaanik najugaqarfiit kattunneqarnissaannik aningaasanut inatsimmut oqaasertaliussamik suliaqartoqartoq. Sooq allannguutissat marluk taakku attartortitsisarnermut peqqussutip allannguutissaatut siunnersuummut ilanngunneqannginersut eqqumiiginarsinnaavoq, ilanngunneqarpata suut suliaasaqarfimmut atuunnersut ersarinnerulertussaammat paasiuminarnerulertussaallunilu.

Kiisalu INI-miit maluginiarneqarpoq, attartortitsisarnermut peqqussummi kapitali 2, innersuussisarnermut tunngasoq inatsisissatut siunnersuummut § 1a-mut ilanngunneqarsimanngitsoq. 2005-imi attartortitsisarnermut peqqussutip akuerineqarneranili siunertaavoq, innersuussisarnermut maleruagassat inissianut attartortittakkanut, pisortanit pigineqartunut tamanut atuutissasoq. Pisortat inissiaataasa attartortittakkat ilaasa aningaasaqarnikkut ingerlatseqatigiiffinnut, innersuussisarnermut maleruagassanik atuutsitsiffiunngitsunut immikkoortinneqarnissaat attartortitsisarnermut peqqussummi aallaqaammut siunnerfiusimasumut naapertuutinngitsutut isikkoarpoq. Taamaattumik INI-miit isumaqartoqarpoq, kapitalit 2-p, 6-ip aamma 8-p inatsisissatut siunnersuummi § 1a-mut ilaatinneqartussaanninnerat kukkunerusimassasoq.

Tamatuma sanitigut INI-mit siunnersuutigineqarpoq, oqaaseq “inissiaatileqatigiiffik, Namminersorlutik Oqartussanit imaluunniit kommuninit immikkut imaluunniit ataatsimut 100%-imik pigineqartoq” “ inissiaatileqatigiiffik, Namminersorlutik Oqartussanit imaluunniit kommunimit annerussuteqarluni pigineqartoq imaluunniit aalajangiisussaalluni sunneeqataaffigineqartoq”-mut allanngortinneqassasoq, taamaalilluni ingerlatseqatigiiffiup ilaata inatsisinik saneqqutsiniarluni aningaasaliisussanut namminersortunut tunineqannginnissaa qulakkeerneqassalluni.

Naggasiutigalugu maluginiarneqarpoq, INI A/S Inissiaatileqatigiiffik INI-mik taagorneqartoq, tak. § 82. Kisiannili INI-p atini allanngortissimavaa, taamaattumillu INI A/S-imik taagorneqarnissaa qinnutigineqarpoq.”

## *Akissut*

*Ineqarneq pillugu Maalaaruteqartarfimmut maalaaruteqarsinnaanerup erngerluni iluarsiiffiginiarneqarnissaa, taamaalillunilu pisortat inissiaataanni tamani attartortut Ineqarneq pillugu Maalaaruteqartarfimmut maalaaruteqarsinnaanissaat pingaarnerpaatut siunnerfigineqarpoq.*

*Najugaqarfuit kattunneqarsinnaanerinit periarfissat pillugit Naalakkersuisut isummersorneri misissuinerilu suli naammassinngillat. Taamaattumik siunnersuummik taamaattumik allannguutissatut siunnersuummut ilanngussiniarnissaq ajornarpoq.*

*Aalajangersakkami attartortitsinermit inatsimmi kapitali 2-mi aalajangersakkat, inissianut inoqanngitsunut innersuussisarnermit tunngasut ilaatinneqanngillat. Attartortittakkanut immikkut ittunut taakkununga innersuussisarnermi maleruagassat, attartortitsisumit aalajangersarneqartut malinneqartarput. Taamaalilluni pisortat imaluunniit inissiaatileqatigiiffiup, Namminersorlutik Oqartussat kommunilluunniit ataatsip aalajangiisuulluni sunniuteqarfigisaata inissianik pineqartunik piginnittuunnginnissaat pingaartinneqarpoq. Kiisalu attartortitsisarnermit inatsimmi kapitali 2-mi innersuussisarnermit maleruagassat ilusilerneqarnerini, pisortat inissiaataasa attartortittakkat tamarmik pisortanit pigineqarnissaat pingaartinneqarpoq.*

*Attartortitsisarnermit inatsimmi kapitali 6-ip pisariaqartunik naleqqussarneqarluni atorneqarnissaa erseqqissarneqarpoq.*

*Aalajangersakkami attartortitsisarnermit inatsimmi kapitali 8-mi aalajangersakkani attartortup atuisinnaatitaanera ilaatinneqanngilaq. Taamaalilluni pisortat imaluunniit inissiaatileqatigiiffiup, Namminersorlutik Oqartussat kommunilluunniit ataatsip aalajangiisuulluni sunniuteqarfigisaata inissianik pineqartunik piginnittuunnginnissaat pingaartinneqarpoq. Taamaattumik attartortut attartukkami ikkussuinissamut, allannguinnissamut pitsanngorsaannissamullu inatsisitigut piunasaqarsinnaatitaanngillat.*

*Kisiannili attartortup qinnuteqarneratigut pisortat imaluunniit inissiaatileqatigiiffik, Namminersorlutik Oqartussat kommunilluunniit ataatsip aalajangiisuulluni sunniuteqarfigisaat attartukkami ikkussugassanut, allannguinnissanut pitsanngorsaattissanullu aalajangersimasunut akuersissuteqarsinnaapput, aammalu tamatumunnga piunasaqaatinik sukumiisunik aalajangersaasinaallutik. Pisortat aamma inissiaatileqatigiiffiit, 100 %-imik pisortanit pigineqartut namminneerlutik inissiani attartukkani ataasiakkaani suleriaasissaminnik aalajangersaasarput. Taamatut suleriaaseqarnermi ilaatigut inissianik attartortittakkanik ataasiakkaanik piginnittunut attartornermit isumaqatigiissutit apequtaasussaapput.*

*Naliliineq malillugu kapitali 2-mi innersuussisarnermit maleruagassat ataatsimut isigalugit inissianut attartortittakkanut, pisortaniit attartorteqqinneqartunut, imaluunniit inissianut attartortittakkanut, pisortat kommunilluunniit inissiaatileqatigiiffiinit pigineqartunut atorneqarsinnaanngillat.*

*Inatsisip oqaasertaani nassuiaatitaanilu oqaaseq “inissiaatileqatigiiffik, Namminersorlutik Oqartussanit imaluunniit kommuninit immikkut imaluunniit ataatsimut 100%-imik pigineqartoq” “ inissiaatileqatigiiffik, Namminersorlutik Oqartussanit imaluunniit kommunimit aalajangiisussaalluni sunneeqataaffigineqartoq”-mut allanngortinneqarpoq.*

*Siunnersuummut nassuiaatini nalinginnaasuni allassimavoq, aalajangiisussaalluni sunneeqataaffigineqarneq ingerlatseqatigiiffinnut inatsisini sukkulluunniit atuuttuni maleruagassiuunneqartoq.*

*A/S Inissiaatileqatigiiffik INI-p aqqa INI A/S-imut allanngortinneqarpoq, kisiannili sulii A/S Inissiaatileqatigiiffik INI taaguutigittinneqarluni. Siunnersuummi § 1, nr. 4-mi A/S Inissiaatileqatigiiffik INI A/S-imut allanngortinneqarpoq.*

## **Sulisitsisut**

”Sulisitsisut attartortitsisarnermut inatsimmut allannguutissanut imaattunik oqaaseqaatissaqarput.

§ 82a, imm. 1 nr. 2 pillugu

Aalajangersakkamut nassuiaatini allassimavoq, aalajangersakkami Namminersorlutik Oqartussaniit kommuniniillu inissianik ingerlatseqatigiiffinnut pisortanit 100%-imik pigineqartunut tunniussinissaq eqqarsaatigineqassasoq.

Tamanna aalajangersagarpiami allassimanngilaq, tassani aamma inuinnarmut imaluunniit ingerlatseqatigiiffimmut namminersortumut tunniussinissaq inatsisitigut tunngavilerneqarmat.

Aalajangersakkami aalajangersakkap taamaallaat ingerlatseqatigiiffimmut pisortanit pigineqartumut 100%-imik tunniussinissaq siunnerfigineqarnera erseqqissarneqartariaqarpoq.

§ 86, imm. 6 pillugu

Aalajangersakkami § 82 b, imm. 1-4-mut innersuussisoqarpoq. Sulisitsisuniit inatsisissatut siunnersuummi imaluunniit inatsimmut nalunaarummi nr. 11-mi, 28. februar 2020-meersumi aalajangersagaq taanna nassaarineqarsinnaanngilaq.

Sulisitsisut naatsorsuutigaat, § 82 a, imm. 1-4-mut innersuussisoqartariaqartoq. ”

## *Akissut*

*§ 82a, imm. 1 nr. 2 siunnersuummi § 2 nutaatut, imm. 4-mut atasutut atuarneqassaaq.*

*Inissiaq attartortittagaq, Namminersorlutik Oqartussanit imaluunniit kommunimit pigineqartoq attartortinneqarpat, tamatumalu kingorna inatsisitigut tunngavissalimmut inuinnarmulluunniit allamut tunineqarpat, pisisoq attartortitsisarnermut inatsimmi aamma attartortitsinermut isumaqatigiisummi pisinnaatitaaffinnik pisussaaffinnillu tigusissaaq, tassungalu ilanngullugu attartortoq Ineqarneq pillugu Maalaaruteqartarfimmut maalaaruteqarsinnaalissaaq.*

*Nassuiaatini erseqqissarneqarpoq, aalajangersakkamut inatsisitigut tunngavissalimmut inuinnarmulluunniit allamut tunniussinerit suulluunniit ilaatinneqartut.*

*Siunnersuummi § 86, imm. 6-imut innersuussineq 82 a, imm. 1-4-mut allanngortinneqarpoq.*

## **Aputsiaq Lyngø**

“Iserit inissiaataasa ilaanni attartortuuvunga, maannarpiarlu inissiaq Ineqarneq pillugu Maalaaruteqartarfiup oqarsinnaatitaaffiisa ilaginngilaat.

2019-imi nuuppugut, aammalu iserternitta kingornali ajornartorsiutit arlallit, Ineqarneq pillugu Maalaaruteqartarfiup aalajangiisinnaatitaaffiisa iluaniittut misigisarsimavagut. Kisiannili suliaqartarfiit taakku Inatsisartut inatsisaanni, attartortitsisarnermut inatsimmi il.il. piffissanik killeqartitsisoqarpoq, soorlu uku pillugit maalaaruteqarnissamut killiliisoqarluni,

- 1) Ineqarnermut akiliutinik qaffaanissamik siumoortumik ilisimatitsisarnermi piumasarisat, takuuk § 28, imm. 2.
- 2) Aserfallatsaaliuineq iluarsaassinerlu, takuuk § 45.
- 3) Inissiap iserterfigineqarnerani qanoq issusia, takuuk § 47.
- 4) Attartukkami atortut ikkussukkat pitsanngorsaanerillu (atuisinnaatitaaneq), takuuk §§ 51 aamma 55.
- 5) Attartortup attartukkaminik atuinera (torersaarnissamik malittarisassanik unioqqutitsinerit), takuuk § 50.
- 6) Atuisinnaatitaanerup allanut tunniunneqarnera (inissianik paarlaateqatigiinneq, attartukkamik allamut attartortitsineq aamma attartornermik nangitsineq), takuuk §§ 58-62.
- 7) Inissiamit aninermi inissiap qanoq issusia (iluarsaassineq nalinginnaasooq), takuuk § 77.

*Imm. 2.* Maalaarutit Ineqarneq pillugu Maalaaruteqartarfimmut allaganngorlugit tunniunneqartassapput, aammalu maalaaruteqartup maalaaruteqartarfiup sumik isummerfigisaqarnissaanut kissaataanik erseqqissaassummik imaqqassalluni. Pissutsinut attartortup suliaritikkusutaanut uppersaatissat pisariaqartut maalaarummut ilanngunneqassapput.

*Imm. 3.* Maalaarutit Ineqarneq pillugu Maalaaruteqartarfimmi suliarineqarnissaanut attartortoq annerpaamik 500 koruuninik sullissinermit akiliummik akiliissaaq. Maalaarutigineqartoq pillugu attartortoq taperserneqarpat imaluunniit suliaq Ineqarneq pillugu Maalaaruteqartarfimmi suliarineqarnissaminut naleqqutinngitsutut itigartinneqarpat, maalaaruteqarnermut akiliut utertillugu akilerneqassaaq.

*Imm. 4.* Attartortup suliaq eqqartuussivinnut suliaqkiissutigineqareersooq Ineqarneq pillugu Maalaaruteqartarfimmut suliaqkiissutigineqarnissaa kissaatigippagu, maalaaruteqartarfiup maalaarutit pissusiviusut tunngavigalugit suliarineqarnissaa itigartissavaa.

Allatut oqaatigalugu attartortitsineq aallartinneqareersimavoq, kisiannili attartortitsinermit inatsimmi allassimasut malinneqarsimanngillat, imaluunniit eqqartuussivinnut suliaqanngortitsisoqarsimanani.

Taamaattumik siunnersuutigaara, allannguummut immikkoortut taakku ilanngunneqassasut, taamaangippammi inatsisissatut siunnersuut iluaqutaasussaannngilaq, attartortuusugut suliaqatigut Iserit-mi suliaritissinnaasussaannnginnatsigit.”

#### *Akissut*

*Tusarniaanermi akissuteqaat siunnersuutip atuutilernissaanut, aammalu attartornermut isumaqatigiissutaareersunut sunniutaasinnaasunut tunngasutut isigineqarpoq.*

*Siunnersuut piffissami atuutilerfissatut siunnersuutigineqartumiit, tassalu 1. januar 2023-miit sunniuteqalertussaavoq. Aamma siunnersuut inissianik attartortittakkanik attartornermut isumaqatigiissutinut ingerlareersunut, allannguutissatut inatsisip atuutilerfissaa sioqqullugu isumaqatigiissutaasimasunut atuuttussaavoq.*

*Siunnersuummi § 2-mi ikaarsaarnermut aalajangersakkat, apeqqutigineqartumut maleruagassiuiffiusut ilanngunneqarput.*

## **Atuisunut Unammilleqatigiinnermullu Aqutsisoqarfik (Ineqarneq pillugu Maalaaruteqartarfimmut allattoqarfittut)**

### **”Nassuiaatit tamanut atuuttut**

Inissianik attartortitsisarneq pillugu Inatsisartut inatsisaat nr. 2, 12. maj 2005-imeersoq aallaqqaammut 2005-imi akuersissutigineqarpoq. Tamatuma kingorna allannguutissanik siunnersuuteqartoqartarneratigit inatsit arfinileriarluni allanngortinneqarsimavoq. Allattoqarfik isumaqarpoq, inatsisip tamakkiisumik iluarsaanneqarnissaa maannarpiaq iluaqutaasinnaasoq.

Assersuutigalugu § 26-mi aamma § 34-mi naqinnerliukkat marluupput, taakkunanilu § 3028, imm. 2-mut 3-mullu aammalu § 353, imm. 5-imut innersuussisoqarpoq.

Tamatuma saniatigit inatsimmi tamarmiusumi Namminersornerullutik Oqartussat Namminersorlutik Oqartussanut iluarsineqarluni allanngortinneqassaaq.

### *Akissut*

*Attartortitsisarnermut inatsisip (inissianik allartortitsisarneq pillugu Inatsisartut peqqussutaata nr. 2-p, 12. maj 2005-imeersup, kingusinnerusukkut allannguuteqartinneqartup) tamarmiusup iluarsaanneqarnissaa sulissutigineqarpoq.*

*Allannguutissatut siunnersuut manna aqutigalugu Ineqarneq pillugu Maalaaruteqartarfimmut maalaaruteqarsinnaanerup erngerluni iluarsineqarnissaa, taamaalillunilu pisortat inissiaataanni attartortut tamarmik Ineqarneq pillugu Maalaaruteqartarfimmut maalaaruteqarsinnaanissaat aalajangiisussatut pingaartinneqarpoq.*

*Naqinnerliukkat oqaatigineqartut attartornermut inatsisip digitaliseererneqarneranut ataatsimullu allanneqarneranut, aammalu kingusinnerusukkut allannguuteqartitsisarnikkut pilersimapput, aammalu inatsimmi Inatsisartunit akuersissutigineqartumi allassimanatik.*

Allannguutissatut siunnersuutip qulequtaani allassimavoq, inatsimmut allannguutissaq Ineqarneq pillugu Maalaaruteqartarfiup kommunit inissiaatileqatigiiffiinnut tunngatillugu oqarsinnaatitaaffiisa annertusineqarneranut tunngasuusoq. Allattoqarfittut allannguutissatut siunnersuummik paasinninneq malillugu, aalajangersagaq ilaatigit aamma aktianik piginneqatigiiffinnut, pisortanit pigineqartunut allanut, soorlu Illuut A/S-imut, 2009-mi pilersinneqartumut atuuttussaavoq. Taamaattumik qulequttap iluarsineqarnissaa, taamaalillunilu inatsisip allannguutissaata imaanut nassuiaataasussanngortinneqarnissaa, aammalu il.il.-ip kisimi pineqannginnissaa siunnersuutigineqarpoq.

### *Akissut*

*Allannguutissatut siunnersuummi pisortat inissiaatileqatigiiffiisa il.il. pineqarnerat erseqqissarneqarpoq.*



Allattoqarfiup paasinninnera malillugu inissiaatileqatigiiffiit pisortanit pigineqartut ajornartorsiorfiunerat nutaajunnngilaq. Ineqarneq pillugu Maalaaruteqartarfiup allattoqarfiullu 2014-imi ajornartorsiut taanna, Illuut A/S-ip inissiaataani attartortittakkani attartortut Ineqarneq pillugu Maalaaruteqartarfirmut maalaaruteqarsinnaajunnaarnerinik isumaqartoq erseqqissaatigaat.

2009-mili Aningaasaqarnermut Akileraartarnermullu Ataatsimiititaliamit oqaatigineqarpoq, kingusinnerpaamik inissiaatileqatigiiffiup Illuut A/S-ip pilersinneqarnerani Ineqarneq pillugu Maalaaruteqartarfirmut maalaaruteqartoqarsinnaanerata Naalakkersuisunit qulakkeerneqarnissaa naatsorsuutigigitsik.

Taamaattumik suliassaqarfimmi maanna ineriartortoqarnera allattoqarfimmiit isumalluarnartutut isigineqarpoq.

*Akissut*

*Ineqarneq pillugu Maalaaruteqartarfiup attartortitsinermit isumaqatigiissutit suut, Ineqarneq pillugu Maalaaruteqartarfiup oqarsinnaatitaaffiinut ilaatinneqarnissaannut allannguisoqarnissaa akuerineqartoq allanneqarpoq.*

Qulequtaq pingaartumillu oqarsinnaatitaaffiup annertusineqarnissaanut allannguut tunngavigalugit allattoqarfiup paasisai malillugit suleriaaseq, siornatigut kommuninut nakkutilliisoqarfiup inerteqqutaasutut aalajangiiffigisaata inatsisinik malinnittunngortinniarnaqarpoq. Allannguutissamik siunnersuuteqarnermi Kommuneqarfik Sermersuup suleriaasiata inatsisinik malinnittunngortinneqarnissaa siunertaanersoq eqqarsaatigineqartariaqarpoq.

*Akissut*

*Siunnersuummut nassuiaatini nalinginnaasuni erseqqissarneqarpoq, inissianik attartortitsisarneq pillugu Inatsisartut peqqussutaanni aamma allannguutissamut siunnersuummi matumani taamaallaat attartortup attartortitsisullu akornanni pissusiusut maleruagassiuunneqartut. Inissianik attartortitsisarneq pillugu peqqussummi aamma allannguutissamut siunnersuummi matumani attartortitsisup inissianik attartortittakkanik, inissarsiortunut atugassiissutigineqartussanik pisineranut, sananeranut attartortinneqarnerinulluunniit inatsisitigut tunngavissat maleruagassiuunneqanngillat.*

*Inissianik attartortitsisarneq pillugu peqqussummi aamma allannguutissamut siunnersuummi matumani kommunip inissianik inissarsortunut attartorteqqitassanik attartornissaq pillugu inissianik piginnittumut namminersortumut isumaqatigiissuteqarsinnaanera maleruagassiuunneqanngilaq. Aamma kommunip inissarsiortunut attartorteqqitassanik attartornermini ineqarnermut akiliutinik appaanissamut tapiissuteqarsinnaanera maleruagassiuunneqanngilaq.*

Allannguutissamut siunnersuummi Ineqarneq pillugu Maalaaruteqartarfiup oqarsinnaatitaaffiinik annertusititsinissamut maleruagassanut atatillugu allattoqarfimmiit sakkortunerpaamik periarfissaq tamanna iluatsillugu maalaaruteqarnissamut piffissarititaasumik aalajangersaasoqarnissaa kaammattuutigineqarpoq.

Maannarpiaq Ineqarneq pillugu Maalaaruteqartarfimmut maalaarutininik tunniussinissamut piffissaqartitsisoqanngilaq. Tamatuma kingunerisaanik maalaarutit tiguneqartut pisoqalisoonissamut maleruagassat nalinginnaasut naapertorlugit suliarineqartussaapput, tassalu suliani ajornartorsiutaasut ukiut 20-t tikillugit pisoqaassuseqarsinnaapput.

Maalaaruteqarnissamut piffissarititaasup attartorneq pillugu suliap attartortitsisumit naammassineqarneraniit sapaatit akunnerinut sisamanut sivilissusilerneqarnissaat siunnersuutigineqarpoq.

*Akissut*

*Siunnersuummi § 84 b-mi aamma § 85, imm. 1-imi piffissap maalaaruteqarfissap sapaatit akunnerinik sisamanik sivilissuseqarnissaa pineqarpoq, taamaalilluni piffissap naareernerani maalaarutip itigartinneqarsinnaanissaa ilanngunneqarpoq.*

*Siunnersuummi § 34, imm. 1-imi aamma § 34, imm. 3-mi maalaaruteqarnissamut piffissarititaasoq sapaatit akunnerinik marlunniit sapaatit akunnerinut sisamanut allanngortinneqarpoq, taamaalillunilu ineqarnermut akiliutinik qaffaanissamut nalunaaruteqartarneq eqqarsaatigalugu Ineqarneq pillugu Maalaaruteqartarfimmut maalaaruteqarnissamut, aammalu attartortitsisumut namminersortumut akerliliissuteqarnissamut piffissarititaasut assigiilerput.*

Allannguutissamut siunnersuutip tamarmiusup, aammalu attartortut pisinnaatitaaffiinut taaguutit paasineqarnissaannut allattoqarfimmiit siunnersuutigineqarpoq, Naalakkersuisoqarfiup allannguutissatut siunnersuut misissussagaa, aammalu attartukkamik attartorteqqinnermi allannguutissamullu siunnersuummi inatsisitigut sunniutissat tamarmiusut akornanni naapertuutsisilernissaq qulakkiissagaa. Assersuutigalugu attartukkamik attartoqqittoq attartortittakkamik attartortitseqqittup pisinnaatitaaffiisa assiginik pisinnaatitaaffeqanngilaq.

*Akissut*

*Namminersorlutik Oqartussat, kommunip imaluunniit inissiaatileqatigiiffiup, Namminersorlutik Oqartussat kommunilluunniit aalajangiisussaalluni sunniuteqarfigisaata inissianik attartortittakkanik attartornissaq (inissianik attartukkanik inissarsiortunut attartortitseqqinnissaq siunertaralugu) pillugu inissianik piginnittunut namminersortunut isumaqatigiissuteqarneri, inissianik attartortitsisarneq pillugu Inatsisartut peqqussutaannut imaluunniit allannguinissamut siunnersuummut matumunnga ilaatinneqanngillat.*

*Nalinginnaasumik attartortitsisarnermut inatsimmi § 2 naapertorlugu attartortitsisup attartortullu akornanni attartornissamut isumaqatigiissusiortoqartarpoq. Attartortoq inissiamik piginnittumut namminersortumut pisinnaatitaaffeqalissanngilaq pisussaaffeqalissananilu. Taamaallaat attartortup pisinnaatitaaffiinut pisussaaffiinullu attartortitsisarnermut inatsit, imaluunniit attartornermut inatsit, Namminersorlutik Oqartussat, kommunip inissiaatileqatigiiffiulluunniit, Namminersorlutik Oqartussat kommunilluunniit aalajangiisussaalluni sunniuteqarfigisaata akornanni attartornermut isumaqatigiissutaat malinneqartussaapput.*

*Siunnersuummi § 1 a, imm. 1-imi allassimavoq, attartortitsisarnermut inatsimmi kapitali 9, ilaatigut attartortitsisup inissianik attartortittakkanik pineqartunik pigisaqartuunnginnerata kingunerisaanik pisariaqartunik naleqqussarneqarluni atorineqartussaasoq.*

Allattoqarfimmiit aalajangersakkanut ataasiakkaanut nassuiaatit ingerlaqqiffigineqannginnerini naggasiullugu oqaatigineqassaaq, allannguinnissamut siunnersuut maannatut iluseqarluni, allattoqarfiup aqutsinermut akiliutinik, Ineqarneq pillugu Maalaaruteqarfiup sulinerata aningaasalersorneqarneranut atugassanik akiliisitsiniarnissaanut annertuumik ajornakusoortitsisussaamat. Maannatut iluseqarluni attartortitsisut attuumassutillit, Ineqarneq pillugu Maalaaruteqartarfimmut maalaaruteqarsinnaanerup aqunneqarneranut akiliutinik akiliisinneqartartussat kinaassusersiniarneqarnissaat ajornakusoortussaavoq.

Taamaattumik allattoqarfimmiit siunnersuutigineqarpoq, allannguutissatut siunnersuutip aqutsinermut akiliutinut tunngasortaa erseqqissarneqassasoq, taamaalillunilu kina aqutsinermut akiliummik akiliisussaansoq ersarissumik allassimalissasoq. Tamatuma saniatigut aamma attartortitsisoq/ingerlatseqatigiiffiit inissianik aqutsisuusut namminneerlutik inissiat attartortittakkat, attartortitsisarnermut peqqussummut ilaasut amerlassusiinut naatsorsukkanik namminneerlutik nassiussisarnissamut, taamaalillunilu aqutsinermut akiliutit eqqortumik akilersinniarneqartarnissaanut peqquneqartariaqarput. Aamma inissiat attartortittakkat amerlassusiinik ilisimatitsinnginnermi pineqaatissiisarnermut aalajangersakkanik peqartariaqarnersoq eqqarsaatigineqartariaqarpoq.

Ineqarneq pillugu Maalaaruteqartarfik aqutsinermut akiliutit atorlugit aningaasalersorneqarnermi saniatigut allaniit pissarsineq ajorpoq, taamaattumillu aqutsinermut akiliutit eqqortumik akilersinniarneqartarnissaa pingaaruteqarpoq. Ineqarneq pillugu Maalaaruteqartarfimmut aningaasaliissutissanik pissarsisoqanngippat, maalaarutit tiguneqartut suliarinissaanut aningaasaqarnikkut tunngavissaqartoqassanngilaq.

#### *Akissut*

*Naalackersuisut attartortitsisarnermut inatsimmi § 83, imm. 5 naapertorlugu attartortitsisumut, ineqarnermut akiliutinik attartortunut ataasiakkaanut akiliisitsinissamut akiligassatigullu iluarsinissamut peqqusinissamut piginnaatinneqarput. Akiliutit Inatsisartut ukiumoortumik aningaasanut inatsisaanni aalajangerneqartarpoq, tak. AI 2022, konto pingaarneq 62.30.01 Atuisartoqarnermut Unammilleqatigiinnermullu Aqutsisoqarfik, allaffissorneq.*

*AI 2022-mi kontomut pingaarnermut 62.30.01-imut oqaasertaliussami nr. 2-mi allassimavoq:*

*”Inatsisartut peqqussutaat nr. 2, 12. maj 2005-imeersumi § 83 naapertorlugu akiliutigineqartussat imatut aalajangersarneqarput:*

*Ineqarnermut Naammagittaalliuuteqartarfimmut akiliutissaq:*

*66. kr. pisortat inissiaataannik attartortittakkanik attartortitsisunut attartortitsinermut ataatsimut.”*

*Allannguinnissamut siunnersuummi matumani aamma inissiatileqatigiiffiit, Namminersorlutik Oqartussanit kommunimilluunniit aalajangiisinnaatitaalluni sunniuteqarfigineqartut*

*ilaatinneqarput. Inissiaatileqatigiiffiit maleruagassat nutaat pillugit ilisimatinneqassapput, aammalu maleruagassat atuuttut naapertorlugit akiliutip akilersinneqartarnissaa iluarsiiiffigineqartarnissaalu naatsorsuutigineqarpoq. Naliliineq malillugu tamanna pillugu maleruagassanik allanik pisariaqartitsisoqanngilaq.*

*Allannguutissamut siunnersuut manna akuerineqassappat, tamatuma peqatigisaanik oqaasertaliusaaq erseqqissarneqassaaq, taamaalillunilu akiligassap attartortitsisunut attartortunullu, Ineqarneq pillugu Maalaaruteqartarfiup oqarsinnaatitaaffiit ilaatinneqartunut akiligassanngortinneqassalluni.*

Aalajangersakkanut ataasiakkaanut nassuiaatit

## **§ 1, nr. 1 pillugu**

*§ 1a, imm. 1*

Oqaaseqatigiit ilanngunneqartut – “naleqqussaanerit pisariaqartut” – pisariaqanngitsutut isikkoqarput, naleqqussaanisarpiaat allannguinnissamut siunnersuuteqarnermut tunngaviunerat ersarimmat.

*Akissut*

*Aalajangersagaq atatiinnarneqassaaq.*

*Attartortittakkat immikkut ittut, siunnersuummi § 1 a, imm. 1-imut ilaatinneqartut siusinnerusukkat attartortitsisarnermut inatsimmut ilaatinneqarsimangillat. Attartortitsisarnermut inatsisit pisortat namminersortullu inissianik namminneerlutik pigisaminnik attartortitsisarnerannut maleruagassiuiffittut ilusiligaapput. Taamaattumik attartortitsisarnermut inatsimmi maleruagassat maanna atuuttut attartortittakkanut, siunnersuummi § 1a, imm. 1-imut ilaatinneqartunut pisariaqartumik naleqqussarneqarlutik atorneqartariaqalersinnaapput. Attartortittakkanik immikkut ittunik, siunnersuummi § 1a, imm. 1-imut ilaatinneqartunik attartortup attartortitsisullu inissianik attartortittakkanik, Namminersorlutik Oqartussanit kommuninillu pigineqartunik attartortitsineranut isumaqatigiissuteqarfigineqartunik attartortitsineranut isumaqatigiissutit sapinngisamik assinginik atugassaqartinneqarnissaat, attartortitsisup anguniassavaa.*

*Sulinermit inatsisit tunngavigalugit nassuiaanikkut allaffissornikkullu pissutsit aaqqiiffigineqarsinnaanngippata, siunnersuummi § 1 a, imm. 3 naapertorlugi Naalackersuisut tamanna pillugu maleruagassiornissamut piginnaatinneqarput.*

*§ 1 a, nr. 2*

Erseqqissaatigineqassaaq, aalajangersakkap allanneqarnerata kingunerisaanik pisortat 100 %-imik piginnittuunissaanik piunasaqartoqarmat. Tassalu pisortat aktianik ikinnerusunik tunisaqarpat, taamaalillunilu piginnittuuneq 100%-iujunnaarpat. Tamatuma kingunerisaanik pisinnaatitaaffiit pisussaaffiillu atuukkunnaassapput.

*Akissut*

*Inatsisip nassuiaatillu oqaasertaanni "inissiaatileqatigiiffik ataatsimut imaluunniit immikkut 100%-imik Namminersorlutik Oqartussanit imaluunniit kommunimit pigineqartoq" allanngortinneqarluni tassaalerpoq "inissiaatileqatigiiffik, Namminersorlutik Oqartussat imaluunniit kommunip aalajangiisussaalluni sunniuteqarfigisaa".*

*Siunnersuummut nassuiaatini nalinginnaasuni allassimavoq, aalajangiisussaalluni sunniuteqarneq ingerlatseqatigiiffinnut inatsisini sukkulluunniit atuuttuni maleruagassiuunneqartoq.*

*§ 1 a, imm. 3*

Allattoqarfimmit paaserusunneqarpoq, atuisinnaatitaanerup nuunneqarnera kapitali 9-mut atasuunersoq, imaluunniit pissutsinut attartornerup allannguuteqarneranut atorneqarnissaa eqqarsaatigineqarnersoq. Tamatuma saniatigut aalajangersagaq siunnersuutigineqartoq nalilinnik pigisaqarnermut inatsisini nalinginnaasuni maleruagassanut naapertuunnersoq apeqquserneqarpoq.

*Akissut*

*Aalajangersagaq § 1 a, imm. 1-imut atasutut isigineqassaaq.*

*Attartortoq aammalu attartortitsisisoq immikkut attartukkat siunnersuummi § 1a, imm. 1-imi pineqartunut ilaasut naapertorlugit, inissianik attartortittakkanik Namminersorlutik Oqartussanit kommuninillu pigineqartunik attartortitsisarneq pillugu isumaqatigiissutuulli, atugassaqartinneqarnissaat sapinngisamik annertunerpaamik attartortitsisup ilungersuutigissavaa.*

*Sulinermi inatsisit tunngavigalugit nassuiaanikkut allaffissornikkullu pissutsit aaqiiffigineqarsinnaanngippata, siunnersuummi § 1 a, imm. 3 naapertorlugu Naalakkersuisut atuisinnaatitaanerup assersuutigalugu inissianik attartortittakkanik attartortiteqqittarneq pillugu maleruagassanut aalajangersarneqartunut allanut nuunneqarnissaa pillugu maleruagassiornissamut piginnaatinneqarput.*

## **§ 1, nr. 2 pillugu**

Allattoqarfimmiit oqaatigineqarpoq, maanna aalajangersakkap oqaasertalerneqarnerani pissarsisoq annertuumik pisussaaffilerneqartoq. Tamatumunnga inatsisitigut tunngavissaqarnersoq apeqquserneqarpoq, innuttaasoq namminersortunut taamatullu pisortanut tunngatillugu pisinnaatitaaffiit assinginik pisinnaatitaaffeqaangimmat.

Taamaattumik matumani pisinnaatitaaffiit pisussaaffiillu suut pineqarnerisut erseqqissarneqartariaqarpoq. Innuttaasoq namminersortunut pisinnaatitaaffeqarani pisortanut pisinnaatitaaffeqarpoq.

*Akissut*

*Inatsisip oqaasertaani erseqqissarneqarpoq, matumani attartortitsinerisut inatsit aamma attartornerisut isumaqatigiissut naapertorlugu attartortut attartortitsisullu pisinnaatitaaffii pisussaaffiilu pineqartut.*

### **§ 1, nr. 3 pillugu**

Aalajangersakkami ineqarnermut akiliutininik qaffaasoqarnerani Ineqarneq pillugu Maalaaruteqartarfimmut maalaaruteqarsinnaaneq siunertaanersoq ersernerluppoq. Taamaassimappat, aalajangersakkami Ineqarneq pillugu Maalaaruteqartarfiup toqqaannartumik innersuussutigineqannginnissaa, tamatumunngalu taarsiullugu tamatuma siunnersuummi nutaami § 84 a-mut ilaatinneqarnissaa siunnersuutigineqarpoq.

*Akissut*

*Aalajangersakkami pisortat inissiaatileqatigiiffiisa ineqarnermut akiliutininik qaffaanissamik siumoortumik nalunaaruteqarnermini piumasagaatinik malinninnissaat maleruagassiuunneqarpoq. Maleruagassat namminersortut inissiaataannut attartortittakkanut maleruagassat assigai.*

*Kisiannili pisortat inissiaataanni attartortut ineqarnermut akiliutininik qaffaanissamut siumoortumik nalunaaruteqartarnermi piumasagaatinik malinninnginneq pillugu attartortup Ineqarneq pillugu Maalaaruteqartarfimmut maalaaruteqarsinnaanera matumani pineqarput.*

### **§ 1, nr. 4 pillugu**

Allattoqarfiup paasinninnera malillugu oqaasertaliussassatut siunnersuutigineqartoq malillugu attartukkamik attartortitseqqittoq siunissami attartortitseqqittumut (attartortitsisumut attartornermut isumaqatigiissuteqartumut) maalaaruteqarsinnaalissaaq. Allattoqarfiup paasinninnera malillugu allannguinermi attartortitseqqittoq maalaaruteqarsinnaanermut ilaatinneqanngilaq.

*Akissut*

*§ 1, nr. 4 Ineqarneq pillugu Maalaaruteqartarfimmik pilersitsinissamut tunngasuuvoq.*

*Namminersorlutik Oqartussat, kommunip imaluunniit inissiaatileqatigiiffiup, Namminersorlutik Oqartussat kommunilluunniit aalajangiisussaalluni sunniuteqarfigisaata inissianik attartortittakkanik attartornissaq (inissianik attartukkanik inissarsiortunut attartortitseqqinnissaq siunertaralugu) pillugu inissianik piginnittunut namminersortunut isumaqatigiissuteqarneri, inissianik attartortitsisarneq pillugu Inatsisartut peqqussutaannut imaluunniit allannguinnissamut siunnersuummut matumunnga ilaatinneqanngillat.*

*Nalinginnaasumik attartortitsisarnermut inatsimmi § 2 naapertorlugu attartortitsisup attartortullu akornanni attartornissamut isumaqatigiissusiortoqartarpoq. Attartortoq inissiamik attartortittakkamik piginnittumut namminersortumut pisinnaatitaaffeqalissanngilaq pisussaaffeqalissananilu. Taamaallaat attartortup pisinnaatitaaffiunut pisussaaffiinullu attartortitsisarnermut inatsit, imaluunniit attartornermut inatsit, Namminersorlutik Oqartussat, kommunip inissiaatileqatigiiffiulluunniit, Namminersorlutik Oqartussat kommunilluunniit aalajangiisussaalluni sunniuteqarfigisaata akornanni attartornermut isumaqatigiissutaat malinneqartussaapput.*

### **§ 1, nr. 5 pillugu**

Oqaaseqaateqartoqanngilaq.

*Akissut*

*Nalunaarsorneqarpoq.*

**§ 1, nr. 6 pillugu**

Oqaasertaliussassatut siunnersuutigineqartoq atorlugu Ineqarneq pillugu Maalaaruteqartarfiup allattoqarfiata aqutsinermut akiliutinik akiliisitsiniartarnissaa ajornakusoortorujussuannngortussaavoq, attartortitsisut kikkuunersut ersarinngimmat.

Ineqarneq pillugu Maalaaruteqartarfiup aqutsinermut akiliutit kisiisa isaatitsissutigimmagit, taamaattumillu suliaasanik suliaqarnissamut tunngavissaralugit, qanoq iliorluni attartortitsisartut kinaassusersisinnaanissaat paasiniarneqartariaqarpoq.

*Akissut*

*Attartortitsisarneq pillugu inatsimmi § 83, imm. 5 naapertorlugu Naalakkersuisut piginnaatinneqarput, attartortitsisoq attartortunut ataasiakkaanut ineqarnermut akiliutinik akiliisitsisarnissamut akiligassanillu iluarsisarnissamut peqqusinissamut. Akiliut ukiumoortumik Inatsisartut aningaasanut inatsisaat aqqutigalugu aalajangersarneqartarpoq, tak. tamanna pillugu AI 2022, konto pingaarneq 62.30.01 Atuisartoqarnermut Unammilleqatigiinnermullu Aqutsisoqarfik, allaffissorneq.*

*AI 2022-mi kontomut pingaarnermut 62.30.01-imut oqaasertaliussami nr. 2-mi allassimavoq:*

*”Inatsisartut peqqussutaat nr. 2, 12. maj 2005-imeersumi § 83 naapertorlugu akiliutigineqartussat imatut aalajangersarneqarput:*

*Ineqarnermut Naammagittaalliuuteqartarfimmu akiliutissaq:*

*66. kr. pisortat inissiaataannik attartortittakkanik attartortitsisunut attartortitsinermut ataatsimut.”*

*Allannguinnissamut siunnersuummi matumani aamma inissiaatileqatigiiffiit, Namminersorlutik Oqartussanit kommunimilluunniit aalajangiisinnaatitaalluni sunniuteqarfigineqartut ilaatinneqarput. Inissiaatileqatigiiffiit maleruagassat nutaat pillugit ilisimatinneqassapput, aammalu maleruagassat atuuttut naapertorlugit akiliutip akilersinneqartarnissaa iluarsiifigineqartarnissaalu naatsorsuutigineqarpoq. Naliliineq malillugu tamanna pillugu maleruagassanik allanik pisariaqartitsisoqanngilaq.*

*Allannguutissamut siunnersuut manna akuerineqassappat, tamatuma peqatigisaanik oqaasertaliussaq erseqqissarneqassaaq, taamaalillunilu akiligassap attartortitsisunut attartortunullu, Ineqarneq pillugu Maalaaruteqartarfiup oqarsinnaatitaaffiunut ilaatinneqartunut akiligassannngortinneqassalluni.*

*§ 82 a, nr. 2*

*Erseqqissaatigineqassaaq, imm. 1, nr. 2-mi aalajangersakkat aamma aalajangersakkamut nassuiaatit imminnut tamakkiisumik naapertuutinngimmata.*

*Akissut*

§ 82a, imm. 1 nr. 2 siunnersuummi § 2 nutaatut, imm. 4-mut atasutut atuarneqassaaq.

*Inissiaq attartortittagaq, Namminersorlutik Oqartussanit imaluunniit kommunimit pigineqartoq attartortinneqarpas, tamatumalu kingorna inatsisitigut tunngavissalimmut inuinnarmulluunniit allamut tunineqarpas, pisisoq attartortitsisarnermut inatsimmi aamma attartortitsinermit isumaqatigiissummi pisinnaatitaaffinnik pisussaaffinnillu tigusissaaq, tassungalu ilanngullugu attartortoq Ineqarneq pillugu Maalaaruteqartarfimmut maalaaruteqarsinnaalissaaq.*

*Nassuiaatini erseqqissarneqarpoq, aalajangersakkamut inatsisitigut tunngavissalimmut inuinnarmulluunniit allamut tunniussinerit suulluunniit ilaatinneqartut.*

§ 82 a, nr. 3

Allattoqarfiup aalajangersagaq imatut paasivaa, suleriaaseq siornatigut Nakkutilliisoqarfimmit inerteqqutaasutut naliliiffigineqartoq inatsisinik malinnittunngortinniarneqartoq.

*Akissut*

*Siunnersuummut nassuiaatini nalinginnaasuni erseqqissarneqarpoq, inissianik attartortitsisarneq pillugu Inatsisartut peqqussutaanni aamma allannguutissamut siunnersuummi matumani taamaallaat attartortup attartortitsisullu akornanni pissusiusut maleruagassiuunneqartut. Inissianik attartortitsisarneq pillugu peqqussummi aamma allannguutissamut siunnersuummi matumani attartortitsisup inissianik attartortittakkanik, inissarsiortunut atugassiisutigineqartussanik pisineranut, sananeranut attartortinneqarnerinulluunniit inatsisitigut tunngavissat maleruagassiuunneqanngillat.*

*Inissianik attartortitsisarneq pillugu peqqussummi aamma allannguutissamut siunnersuummi matumani kommunip inissianik inissarsiortunut attartorteqqitassanik attartornissaaq pillugu inissianik piginnittumut namminersortumut isumaqatigiisuteqarsinnaanera maleruagassiuunneqanngilaq. Aamma kommunip inissarsiortunut attartorteqqitassanik attartornermini ineqarnermut akiliutinik appaanissamut tapiissuteqarsinnaanera maleruagassiuunneqanngilaq.*

### **§ 1, nr. 7 pillugu**

Oqaaseqaateqartoqanngilaq.

### **§ 1, nr. 8 pillugu**

Nassuiaatini allassimavoq, Ineqarneq pillugu Maalaaruteqartarfimmut maalaaruteqartoqarnerani 500 koruuninik akiliisitsisoqassasoq. Ineqarneq pillugu Maalaaruteqartarfimmut akiliut 150 koruuniuvoq.

500 koruuninik akiliisitsisarneq periaasiusimangilaq.

*Akissut*



*Nassuiaatini erseqqissarneqarpoq, attartortitsisarnermut inatsit naapertorlugu maalaarummik suliaqarnissamut akiliut annerpaamik 500 koruuniussasoq, kiisalu Ineqarneq pillugu Maalaaruteqartarfiup maannamut 150 koruuninik akiliisarneq ileqqorisimagaa.*

### **§ 1, nr. 9 pillugu**

Oqaaseqaateqartoqanngilaq.

*Akissut*

*Nalunaarsorneqarpoq.*

### **§ 1, nr. 10 pillugu**

Erseqqissaatigineqassaaq, 82 b-mut aalajangersagaq allannguinnissamut siunnersuummi ersinngimmat.

Siunnersuutigineqarpoq, aalajangersagaq "[...] § 82 a, nr. 1-5"-imut allanngortinneqassasoq.

*Akissut*

*Siunnersuummi § 86, imm. 6-imut innersuussut § 82 a, stk. 1-4-mut allanngortinneqarpoq*

### **§ 2 pillugu**

Inatsisip atuutilerfissaa 1. august 2022-mut ullulerneqartoq allattoqarfimmit maluginiarneqarpoq, taamaalillunilu attartortitsisoq/inissianik aqutsisoq attartortitsinermut isumaqatigiissuterpassuarnik allanngortiterinissamut naammattumik piffissaqartinneqanngilaq.

Allattoqarfiup misilittagai malillugit siornatigut inissianik aktianik piginneqatigiiffinnut, pisortanit pigineqartunut tunniussisarnerni attartornermut isumaqatigiissutinik nutaanik suliaqartoqartarsimangilaq.

*Akissut*

*Tunnngaviusumik inissianik attartortittakkamik, Namminersorlutik Oqartussanit kommunimillu pigineqartunik tunniussinermi, aammalu attartornermut isumaqatigiissuteqartoqareernerani Namminersorlutik Oqartussat imaluunniit kommunip inissiamik attartortittakkamik piginnittuunermik inatsisitigut tunnngavissalimmu inuinnarmulluunniit allamut, taakkunungalu inissiaatileqatigiiffik, Namminersorlutik Oqartussat kommunilluunniit aalajangiisuuffigalugu sunniuteqarfigisaat ilanngullugu, tunniussineranni attartornermut isumaqatigiissutinik nutaanik suliaqarnissaq pisariaqartinneqartannngilaq.*

*Inissiamik attartortittakkamik tunniussinermi pissarsisup attartortitsinermut isumaqatigiissut aamma attartortitsisarnermut inatsit naapertorlugu pisinnaatitaaffiit pisussaaffillu tamaasa tigussavai.*

Allattoqarfik siunnersuummut allanik oqaaseqaatissaqanngilaq.”

## Kommune Qeqertalik

Aallarniutigalugu kommunimiit siunnersuummut oqaaseqaateqarnissamut periarfissinneqarnitsinnut qujavugut, periarfissarlu manna iluatsillugu oqaatigissavarput, attartortitsisarnermut peqqussutip 2005-imeersup ilaata nutarterneqarnera iluarisimaaratsigu.

Tusarniaanermi akissuteqaat allaffissornikkut akissuteqarfigineqarpoq, piffissaliussaq peqquataalluni politikikkut suliaqarnissaq periarfissaqanngimmat.

Kisiannili tamatuma peqatigisaanik peqqussummi kapitalit sinneri nutarteriffigalugit aallartinneqannginneri annilaanganartoqartipparput. Pingaartumik 2005-imili ineqarnermi ineriartorneq eqqarsaatigalugu, tassanilu peqqussummi kapitali 4 pisortani oqartussaasut ingerlatseqatigiiffinnik aningaasaliiffiusunik inissiaqarfinnik sanaartornermut piginnittuunermullu annertuumik atuinerannut peqquataaqataavoq. Taamaattumik periarfissaq manna iluatsillugu kapitali 4-p nutarterneqarnissaa, taamaalillunilu inissiaqarfinnik sanaatornissap pisortanut pilerinarneruleqqinnissaa pissusissamisuussaaq.

Kommunip takusinnaavaa, siunnersuummi attartukkamik attartortitseqqittarneq inatsisinik malinnittunngortinniarneqartoq, tamannalu Naalakkersuisut Siulittaasuata Naalakkersuisoqarfiani Nunamut Namminermut Immikkoortortaqaqarfiup 25. marts 2020-mi inatsisitigut tunngavissaqanngimmat aallarteqqunagu Kommune Qeqertalimmut inassutigisimavaa. Kommunip inatsisinik malinnittunngortitsinissaq tikilluaquaa. Inatsisinik malinnittunngortitsinissaq siunnerfigineqarsimangippat, immikkut ittumik inatsisip, taamaallaat attartukkanik attartortitseqqinnernut, peqqussuteqarnissaq sioqqullugu aallartinneqarsimasunut atuuttussanngortinneqarsimanera siunnersuummi erseqqissarneqartariaqarpoq.

### *Akissut*

*Siunnersuummut nassuiaatini nalinginnaasuni erseqqissarneqarpoq, inissianik attartortitsisarneq pillugu Inatsisartut peqqussutaanni aamma allannguutissamut siunnersuummi matumani taamaallaat attartortup attartortitsisullu akornanni pissusiusut maleruagassiuunneqartut. Inissianik attartortitsisarneq pillugu peqqussummi aamma allannguutissamut siunnersuummi matumani attartortitsisup inissianik attartortittakkanik, inissarsiortunut atugassiisutigineqartussanik pisineranut, sananeranut attartortinneqarnerinulluunniit inatsisitigut tunngavissat maleruagassiuunneqanngillat.*

*Inissianik attartortitsisarneq pillugu peqqussummi aamma allannguutissamut siunnersuummi matumani kommunip inissianik inissarsortunut attartorteqqitassanik attartornissaq pillugu inissianik piginnittumut namminersortumut isumaqatigiissuteqarsinnaanera maleruagassiuunneqanngilaq. Aamma kommunip inissarsiortunut attartorteqqitassanik attartornermini ineqarnermut akiliutinik appaanissamut tapiissuteqarsinnaanera maleruagassiuunneqanngilaq.*

Kommunip tusarniaanermi akissuteqaatip suliarineqarneranut atatillugu malugaa, inatsisissami matumani § 26, imm. 1-imi aamma § 34, imm. 1-imi paragrafit atuutinngitsut innersuussutigineqartut. Innersuussinerit kukkusut taamaallaat inatsisissap danskisuuaniipput.

- § 26, imm. 1-imi § 3028, imm. 2-mut innersuussisoqarpoq

- § 34, imm. 1-imi § 353. imm. 5-imut innersuussisoqarpoq.

Kommunimiit kaammattuutigineqarpoq, kukkunerit taakku, kiisalu namminersoneq pillugu inatsisip atuutsinneqalernissaa sioqqullugu taaguutit peqqussummi atornerqartut peqqussutissami tamarmiusumi iluarsaanneqassasut. Taamatuttaaq kattuffiit KANUKOKA-p aamma IPK-p Ineqarneq pillugu Maalaaruteqartarfimmut innersuussisinnaatitaanerisa suli allassimanera naapertuutinnigilaq. Kattuffiit taakku atorunnaareerput, imaluunniit Ineqarneq pillugu Maalaaruteqartarfimmut ilaasortassamik innersuussisimanngisaannarlutik.

*Akissut*

*Attartortitsisarnermut inatsisip (inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq, kingusinnerusukkat allannguuteqartinneqartoq) tamarmiusup iluarsaanneqarnera sulissutigineqarpoq.*

*Kommune Qeqertaliup sooq attartortitsisarnermut inatsimmi kapitali 4, attartornermut akiliummik aalajangersaasarnermut tunngasoq pisortani oqartussaasut ingerlatseqatigiiffinnik aningaasaliiffiusunik inissiaqarfinnik sanaartornermut piginnittuunermullu annertuumik atuinerannut sooq peqqutaaqataanersoq sukumiinerusumik nassuiaateqarfiginngilaa.*

*Allannguinnissamut siunnersuummi matumani Ineqarneq pillugu Maalaaruteqartarfimmut maalaaruteqarsinnaanerup piaartumik iluarsiiffiginiarneqarnissaa, taamaalillunilu pisortat inissiaataanni attartortittakkani attartortut tamarmik Ineqarneq pillugu Maalaaruteqartarfimmut maalaaruteqarsinnaanissaat pingaarnertut siunnerfigineqarpoq.*

*Naqinnerliukkat oqaatigineqartut attartornermut inatsisip digitaliseererneqarneranut ataatsimullu allanneqarneranut, aammalu kingusinnerusukkat allannguuteqartitsisarnikkut pilersimapput, aammalu inatsimmi Inatsisartunit akuersissutigineqartumi allassimanatik.*

*KANUKOKA kommunit peqatigiillutik-mut allangortinneqarpoq. SIP atatiinnarneqarpoq, taamaalillunilu attartortut kattuffiannut innersuussinissamut periarfissaqartitsisoqarluni. SIP-p innersuussuteqartannginnera attartortitsisarnermut inatsimmi § 82, imm. 6-imi maleruagassiuunneqarpoq.*

Tamatuma saniatigut § 86, imm. 6-imi § 82 b, nr. 1-4-mut innersuussisoqarpoq. Siunnersuummi imaluunniit peqqussummi atuuttumi § 82 b, nr. 1-4 allassimanersoq kommunip takusinnaanngilaa. Kommunip matumani naqinnerliuisoqarsimassasoq, aammalu § 82 a, nr. 1-4 allassimasussaasoq naatsorsuutigaa.

*Akissut*

*Siunnersuummi § 86, imm. 6-imut innersuussut § 82 a, nr. 1-4-mut allangortinneqarpoq.*

**Siunnersuummut nassuiaatit**

***Siunnersuutip qulequtaa***

Siunnersuutip qulequtaa, *Ineqarnej pillugu Maalaaruteqartarfiup kommunit inissiaatileqatigiiffiinut il.il. aalajangiisinnaatitaanerata annertusitinneqarnera*, kommunimit paatsuunganartutut isumaqarfigineqarpoq. Matumani aalajangiisinnaatitaanerup annertusineqarnera pisortat inissiaatileqatigiiffiinut aamma pisortat inissianik namminersortunik pigineqartunik attartukkaminik attartortitseqqittarnerinut ersarissumik pineqarpoq.

Pingaartumik siunnersuutip qulequtaa naapertuutinngilaq, siunnersuummi ajornartorsiutip ilisimaneqartup akissuteqarfigineqarnissaa siunnerfigineqarmat. Tassani Aningaasaqarnermut Ataatsimiititaliap Illuut A/S-ip pilersinneqarnissaanut akuersissutaa, 17. december 2009-meersoq innersuussutigineqarpoq, tassanilu Aningaasaqarnermut Ataatsimiititaliaq imaattumik Naalackersuisunut nalunaaruteqarpoq:

*Kingusinnerpaamik periarfissaq taanna atorlugu innuttaasut illuni Illuut A/S-imit pigineqartuniittut ineqarnej pillugu naammagittaalliuuteqartarfimmik atuisinnaanissaat Naalackersuisunit qulakkeernejassasoq Aningaasaqarnermut Ataatsimiititaliamit naatsorsuutigineqarpoq.*

Aamma ajornartorsiut taanna Ineqarnej pillugu Maalaaruteqartarfiup 2014-imut ukiumoortumik nalunaarusiamini erseqqissaatigaa:

*Taamatuttaaq Ineqarnej pillugu Maalaaruteqartarfiup naammagittaalliuutit inissianut Illuut A/S-mit pigineqartunut tunngasut suliarisinnaanngilaat. Illuut A/S namminersortutut inissianik attartortitsisartutut suliffeqarfiuvoq, naak tamakkiisumik Namminersorlutik Oqartussanit pigineqaraluarluni. Namminersornerullutik Oqartussat inissiaatiginikuusaat arlallit Illuut A/S-mut nuunneqareerput, tamannalu isumaqarpoq naammagittaalliuutit inissianut taakkununnga tunngasut Ineqarnej pillugu Maalaaruteqartarfiup piginnaatitaaffiinut ilaajunnaartut suliarineqarsinnaanatillu. Inissianilu taakkunani attartortut attartortitsisuminnik eqqartuussivimmuut suliaassanngortitsisariaqassapput aaqqiagiinngittoqartillugu. Ineqarnej pillugu Maalaaruteqartarfiup tamanna attartortut inatsisitigut illersorneqarnerat ajornerulertutut isigaa, tamanna ilaatigut sullissinermik sivitsorsaataassammat, aammalu amerlanertigut eqqartuussisulerisunut aningaasartuuteqarnermik kinguneqartartussaammat. Ineqarnej pillugu Maalaaruteqartarfiup ilisimannngilaa, tamanna inissiat Illuut A/S-mut nuunneqarnerini attartortunut ilisimatitsissutigineqarsimanersoq*

Taamaattumik kommunimit inassutigineqarpoq, siunnersuutip qulequtaa “Ineqarnej pillugu Maalaaruteqartarfiup pisortat inissiaatileqatigiiffiinut il.il. aalajangiisinnaatitaanerata annertusitinneqarnera”-nut allanngortinneqassasoq.

*Akissut*

*Allannguutissatut siunnersuut pisortat inissiaatileqatigiiffiinut il.il. tunngasuusoq erseqqissarneqarpoq.*

*Kommune Qeqertalik attartornermut isumaqatigiissutit suut, Ineqarnej pillugu Maalaaruteqartarfiup oqarsinnaatitaaffiinut ilaassanersut pillugu allannguutissanut tapersiisoq nalunaarsorneqarpoq.*

### ***Attartornermut attartukkanillu attartortitseqqinnermut taaguutit***

Peqqussummi attartornermut attartukkanillu attartortitseqqinnermut taaguutit atorneqartut siunnersuummi ersarikkunnaartutut isikkoqarneri kommunimiit eqqumaffigeqquneqarput. Taaguutit pingaartumik siunnersuummi illuutinik, pisortat ingerlatseqatigiiffiisa aningaasaliiffiusut namminersortunit attartugaannik attartortitseqqittarnermut maleruagassanut tunngatillugu pingaaruteqarput. Taaguutit ersernerluppata, aalajangersakkani ataasiakkaani attartukkamik attartortitseqqittut, imaluunniit pisortat ingerlatseqatigiiffiisa aningaasaliiffiusut pisinnaatitaaffii sunik pisinnaatitaaffeqarnerisut nalornineqalersinnaavoq, tamannalu siunnersuummi siunertaasumut naapertuussorinanngilaq. Kommunimiit inatsissamut siunnersuummi taaguutit kingunissaasa iluarsiiffigineqarnissaat, taamaalillunilu siunnersuutip kingunerisaanik kikkut pisinnaatitaaffinnik pisussaaffinnillu sunik angusaqarnissaasa paasinarsinissaat qulakkeerneqassaaq.

### ***Akissut***

*Namminersorlutik Oqartussat, kommunip imaluunniit inissiaatileqatigiiffiup, Namminersorlutik Oqartussat kommunilluunniit aalajangiisussaalluni sunniuteqarfigisaata inissianik attartortittakkanik attartornissaq (inissianik attartukkanik inissarsiortunut attartortitseqqinnissaq siunertaralugu) pillugu inissianik piginnittunut namminersortunut isumaqatigiissuteqarneri, inissianik attartortitsisarneq pillugu Inatsisartut peqqussutaannut imaluunniit allannguinnissamut siunnersuummut matumunnga ilaatinneqanngillat.*

*Nalinginnaasumik attartortitsisarnermut inatsimmi § 2 naapertorlugu attartortitsisup attartortullu akornanni attartornissamut isumaqatigiissusiortoqartarpoq. Attartortoq inissiamik attartortittakkamik piginnittumut namminersortumut pisinnaatitaaffeqalissanngilaq pisussaaffeqalissananilu. Taamaallaat attartortup pisinnaatitaaffiitut pisussaaffiinnullu attartortitsisarnermut inatsit, imaluunniit attartornermut inatsit, Namminersorlutik Oqartussat, kommunip inissiaatileqatigiiffiulluunniit, Namminersorlutik Oqartussat kommunilluunniit aalajangiisussaalluni sunniuteqarfigisaata akornanni attartornermut isumaqatigiissutaat malinneqartussaapput.*

*Siunnersuummi § 1 a, imm. 1-imi allassimavoq, attartortitsisarnermut inatsimmi kapitali 9, ilaatigut attartortitsisup inissianik attartortittakkanik pineqartunik pigisaqartuunnginnerata kingunerisaanik pisariaqartunik naleqqussarneqarluni atorneqartussaasoq.*

### ***Aqutsinermut akiliut***

Siunnersuummi Ineqarneq pillugu Maalaaruteqartarfiup aningaasalersornissaanut najoqqutassamik aqunneqarsinnaasumik qulakkeerisoqartariaqarpoq. Maanna suleriaasiusumi Ineqarneq pillugu Maalaaruteqartarfik attartortittakkat amerlassusii pillugit paasissutissanik pisortat attartortitsisartuinut pissarsiniartarpoq, paasissutissallu taakku tunngavigalugit Ineqarneq pillugu Maalaaruteqartarfiup ingerlannissaanut attartortitsisut akiligassaannik nassiussivigisarlugit. Ineqarneq pillugu Maalaaruteqartarfiup oqarsinnaatitaaffii aamma attartortittakkanik inummut allanut tunisinermit ilaatinneqalissappata, aaqquissuussineq taanna aqunneqarsinnaajunnaartutut isikkoqalerpoq. Taamaattumik qanoq iliorluni maalaaruteqartarnermut aningaasalersueriaatsimik nammaqatigiiffiusumik qulakkeerisoqarsinnaanersoq isumaliutigineqartariaqarpoq. Isumaliutersuutitut attartortittakkanut, maalaaruteqartarnermi aaqquissuussinermut ilaasunut qitiusumik

nalunaarsuiffiliornissaq, imaluunniit attartortitsisup paasissutissiisussaataitaneraniq pingaatissiiffiusinnaasumik pilersitsinissaq ilaatinneqarsinnaapput.

*Akissut*

*Naalackersuisut attartortitsisarnermut inatsimmi § 83, imm. 5 naapertorlugu attartortitsisumut, ineqarnermut akiliutinik attartortunut ataasiakkaanut akiliisitsinissamut akiligassatigullu iluarsinissamut peqqusinissamut piginnaatinneqarput. Akiliutit Inatsisartut ukiumoortumik aningaasanut inatsisaanni aalajangerneqartarpoq, tak. AI 2022, konto pingaarneq 62.30.01 Atuisartoqarnermut Unammilleqatigiinnermullu Aqutsisoqarfik, allaffissorneq.*

*AI 2022-mi kontomut pingaarnermut 62.30.01-imut oqaasertaliussami nr. 2-mi allassimavoq:*

*”Inatsisartut peqqussutaat nr. 2, 12. maj 2005-imeersumi § 83 naapertorlugu akiliutigineqartussat imatut aalajangersarneqarput:*

*Ineqarnermut Naammagittaalliuuteqartarfimmud akiliutissaq:*

*66. kr. pisortat inissiaataannik attartortittakkanik attartortitsisunut attartortitsinermut ataatsimut.”*

*Allannguinnissamut siunnersuummi matumani aamma inissiaatileqatigiiffiit, Namminersorlutik Oqartussanit kommunimilluunniit aalajangiinissinaatitaalluni sunniuteqarfigineqartut ilaatinneqarput. Inissiaatileqatigiiffiit maleruagassat nutaat pillugit ilisimatinneqassapput, aammalu maleruagassat atuuttut naapertorlugit akiliutip akilersinneqartarnissaa iluarsiifigineqartarnissaalu naatsorsuutigineqarpoq. Naliliineq malillugu tamanna pillugu maleruagassanik allanik pisariaqartitsisoqannqilaq.*

*Allannguutissamut siunnersuut manna akuerineqassappat, tamatuma peqatigisaanik oqaasertaliussaqq erseqqissarneqassaaq, taamaalillunilu akiligassap attartortitsisunut attartortunullu, Ineqarneq pillugu Maalaaruteqartarfiup oqarsinnaatitaaffiunut ilaatinneqartunut akiligassannqortinneqassalluni.*

### ***Maalaaruteqarnissamut piffissarititaasoq***

Kommunimiit maalaaruteqarnissamut piffissarititaasumik ilanngussisoqarnissaa inassutigineqarpoq. Taamaalilluni suliap sulii nutaajulluni attartortumit attartortitsisumillu eqqaamaneqarnerani maalaarutip tunniunneqarnissaa suliarineqarnissaalu qulakkeerneqassaaq. Maalaarutigineqartussap pilerneraniit suliap piffissap naammaginarput iluani suliarineqarnissaa illuatungeriit soqutigisarisussaavaat. Maalaaruteqarnissamut piffissaliisoqannqippat, attartortoq maalaarutigineqartussap pilerneraniit ukiut arlallit qaangiunnerini maalaaruteqarsinnaassaaq, tamannalu suliap suliarineqarneranut ajornakusoortitsisinnaavoq, imaluunniit inaarutaasumik aalajangiinissap anguneqarnissaa ajornarsitissinnaallugu.

Maalaaruteqarnissamut piffissarititaasoq assersuutigalugu attartortup saaffiginnissutaata attartortitsisumit suliarineqarneraniit sapaatit akunnerinik sisamanik

sivisussusilerneqarsinnaavoq. Tamanna Kalaallit Nunaanni maalaaruteqartarfinni allani arlalinni maalaaruteqarnissamut piffissarititaasup sivisoqatigissavaa.

*Akissut*

*Siunnersuummi § 84 b-mi aamma § 85, imm. 1-imi piffissap maalaaruteqarfissap sapaatit akunnerinik sisamanik sivisussuseqarnissaa, taamaalillunilu piffissap naareernerani maalaarutip itigartinneqarsinnaanissaa ilanngunneqarpoq.*

*Siunnersuummi § 34, imm. 1-imi aamma § 34, imm. 3-mi maalaaruteqarnissamut piffissarititaasoq sapaatit akunnerinik marlunniit sapaatit akunnerinut sisamanut allanngortinneqarpoq, taamaalillunilu ineqarnermut akiliutinik qaffaanissamut nalunaaruteqartarneq eqqarsaatigalugu Ineqarneq pillugu Maalaaruteqartarfimmu maalaaruteqarnissamut, aammalu attartortitsisumut namminersortumut akerliliissuteqarnissamut piffissarititaasut assigiilerput.*

### **OPP**

Siunnersuummi taamaallaat ingerlatseqatigiiffinni aningaasaliiffiusuni, pisortanit 100 %-inik pigineqartuni attartortut imaluunniit attartukkaminik attartortitsisut pisinnaatitaaffii qulakkeerneqarput. Taamaalilluni pisortat namminersortullu suleqatigiiffiinut (OPP) tunngatillugu ajornartorsiummik ammasoqarpoq. Taamaattumik pisortanit 100 %-imik pigineqarnissamut piomasaaqat Ineqarneq pillugu Maalaaruteqartarfimmu maalaaruteqarsinnaanerup qulakkeernissaanut naapertuunnersoq eqqarsaatigineqartariaqarpoq.

Ullumikkut OPP-t Naalakkersuisunit akuerineqartussaapput, tak. Missingersuusiortarnermut naatsorsuusiortarnermullu inatsit. Kisiannili misilittakkat tunngavigalugit paasineqarpoq, kommunip maalaaruteqarsinnaanermik qulakkeerinissaannut Naalakkersuisut peqqusinissaat naammanngitsoq. Aamma OPP-mik akuersineq tunngavigalugu Naalakkersuisut Ineqarneq pillugu Maalaaruteqartarfiup oqarsinnaatitaaffiisa annertusititsisinnaanerinut piginnaatitsissummik peqarpassinngilaq.

*Akissut*

*Inatsisip nassuiaatillu oqaasertaanni "inissiaatileqatigiiffik ataatsimut imaluunniit immikkut 100%-imik Namminersorlutik Oqartussanit imaluunniit kommunimit pigineqartoq" allanngortinneqarluni tassaalerpoq "inissiaatileqatigiiffik, Namminersorlutik Oqartussat imaluunniit kommunip aalajangiisussaalluni sunniuteqarfigisaa".*

*Siunnersuummut nassuiaatini nalinginnaasuni allassimavoq, aalajangiisussaalluni sunniuteqarneq ingerlatseqatigiiffinnut inatsisini sukkulluunniit atuuttuni maleruagassiuunneqartoq.*

### **Tunisineq tunniussinerluunniit**

Illuummik, peqqussummi maleruagassat naapertorlugit attartortinneqartumik attartorteqqinneqartumilluunniit pisisup attartortup imaluunniit attartukkamik attartortitseqqittup pisinnaatitaaffinnik pisussaaffinnillu tamanik tigusinissaata inatsisiliuunneqarnissaa kommunimit naapertuussorineqanngilaq. Taanna siunnersuummut nassuiaatini aalajangersakkap pisariaqannginneranut tunngavilersuutitut erseqqissarneqarpoq.

Ineqarneq pillugu Maalaaruteqartarfiup oqarsinnaatitaaffii attartornermut isumaqatigiissutini maleruagassiuunneqarneq ajorput, kisiannili peqqussummi kapitali 14-imi maleruagassiuunneqarlutik. Siunnersuummi ajornartorsiut taannarpiaq aallaavigineqartoq takuneqarsinnaavoq, taamaattumillu aalajangersagaq kissaataasumik sunniuteqarsimanngilaq. Akerlianik aalajangersagaq kommunip illuutaasa nalinginut, taamaalillunilu inissianut nutaanut aningaasaliinissamut imaluunniit illuutit pigineqartut iluarsaannissaannut sunniuteqarnerluttussaavoq.”

*Akissut*

*Naliliineq malillugu § 2, imm. 4-mut nutaamut siunnersuummi taamaallaat isumaqatigiissuteqartarnermut pinngitsooranilu naammassisassanut maleruagassanik atuuttunik malinniffioreersut inatsisiliuunneqarput.*

*Inissianik najugaqarfissatut attartortitsineq pillugu isumaqatigiissutaavoq, illuatungeriinnut nammakkiisoq, tassanilu attartortitsisarnermut inatsimmi maleruagassat saneqqunneqarsinnaanngitsut tunngavigineqartarput. Attartortoq arlalinnik pisinnaatitaaffeqartarpoq pisussaaffeqartarlunilu. Attartortitsisoq arlalinnik pisinnaatitaaffeqartarpoq pisussaaffeqartarlunilu. Isumaqatigiissumi illuatungiusup pisinnaatitaaffeqartup aappaanit akuerineqaqqaarani pisussaaffimminik allamut tunniussisinnaanngilaq.*

*Kisiannili illuummi nammagassat eqqarsaatigalugit tassangaanniit ilaatitsinngitsoqarpoq. Attartornermut inatsit 1, 1989, Halfdan Krag Jespersen-imi qupp. 88-imi imatut allassimasoqarpoq:*

*”Tunngavigineqartumi matumani ilaatitsinngiffiusut ilaat ataaseq illuutini nammagassanik nuussisoqarneranut atuutsinneqarput, tassanilu attartornermut isumaqatigiissut aammalu pigisamut aalaakkaasumut tunngatillugu atuisinnaatitaanernut allanut tunngasut ilaatinneqarput. Tassami piginnittut nikinneranni (pigisamik aalaakkaasumik atuisinnaaneq eqqarsaatigalugu piviusunngortitsinermi) illumut nammagassat siulliullutik piginnittumiit piginnittumut ingerlaannartumik nuunneqartarput – tassalu piginnittut nikinneranni akuusut akornanni immikkut ittumik isumaqatigiissuteqartoqarani. (Tassalu »akiitsunik tigusinissaq« pillugu isumaqatigiissuteqarnissaq pisariaqanngilaq. Aappaattut oqaatigineqareersutut pisuni taakkunani pisinnaatitaaffimmik pigisaqartoq akuersiteqqaarnagu akiitsoqartut nikinnerat pisinnaavoq.*

*Illuummut nammagassat eqqarsaatigalugit pisinnaatitaaffeqarnermut, taakkunungalu pigisamik aalaakkaasumik attartortup pisinnaatitaaffeqarneranut illuatungiliuttut, attartortitsinermi akuersisartumik nutaamik (piginnittumik, attartortitsisartumik) peqalnera, tunngaviusumik attartortitsisup pisussaaffiisa piginnittumiit piginnittumut nuunneqarnera akuerineqartussaavoq. Attartortup tunuartitsinera assigalugu, tak. immikkoortoq I C, ineqarneq pillugu inatsisitigut suliani (amma ineqarnermut akiliutit pillugit suliani) ingerlasuni tunngaviusumik suliap ingerlanerani illumik piginnittuusimasup aammalu kingusinnerusukkut pigisaqalersup akornanni pinngitsaaliissummik piviusunngortitsisoqartarpoq.”*